

**Suliffeqarfiup imaluunniit ingerlatseqatigiiffissuup ataatsip iluani isumaqatigiissutit il.il. pillugit Namminersorlutik Oqartussat nalunaarutaat nr. 4, 10. martsii 2016-imeersooq**

Unammilleqatigiinneq pillugu Inatsisartut inatsisaat nr. 1, 15. maaji 2014-imeersumi § 4, imm. 2 naapertorlugu, aamma unammilleqatigiinnermut ataatsimiititaliap oqaaseqareerneratigut, aalajangersarneqassaaq:

§ 1. Unammilleqatigiinnermut inatsimmi kapitali 2-mi aalajangersakkani suliffeqarfiup imaluunniit ingerlatseqatigiiffissuup ataatsip iluani isumaqatigiissuteqarnerit, aalajangersakkat aamma suleriaatsit ataqatigiissitat unammilleqatigiinnermik killilersuisut atorneqanngillat.

§ 2. »Suliffeqarfiup imaluunniit ingerlatseqatigiiffissuup ataatsip iluani isumaqatigiissutit, aalajangersakkat aamma suleriaatsit ataqatigiissitat« nalunaarut manna malillugu ilaatinneqarput:

- 1) Unammilleqatigiiffiunngitsumik ingerlatseqatigiiffissuit peqatigiillutik isumaqatigiissuteqarneri, takuuk § 3, naatsorsuutigineqarpat, ingerlatseqatigiiffiutit niuerfimmi ingerlanissamik aalajangersarnissaanut nammineersinnaanngivissut,
- 2) Ingerlatseqatigiiffissuit unammilleqatigiissut akornanni isumaqatigiissuteqarnerit, takuuk. § 4, imaluunniit
- 3) Suliffeqarfiit piginneqatigiiffiusut iluanni isumaqatigiissutit, taakkua killilerneqarsimappata, suna pisariaqarnerisooq piginneqatigiilluni suliffeqarfiup ingerlannera naammaginartumik qularnaarnissaanut aamma ilaasortat soqutigisatik piginneqatigiiffimmut piffissami killilimmi isumagisassanngortippatigut, takuuk § 5.

§ 3. »Unammilleqatigiiffiunngitsumik ingerlatseqatigiiffissuit peqatigiillutik isumaqatigiissuteqarneri« matumani nalunaarummi imatut paasineqassaaq isumaqatigiissutit il.il. suliffeqarfiit, suliffeqarfiup piginnittup ingerlatseqatigiiffiutigisap imminnut ataqatigiittut, akornanni isumaqatigiissutit.

*Imm. 2.* Suliffeqarfik suliffeqarfimmut piginnittuuvoq, imaakkuni:

- 1) ingerlatseqatigiiffimmi aktiaateqarfiusumi piginneqatigiiffimiluunniit taasisinnaatitaanikkut amerlanerussutilinnik pigisaqarleruni,
- 2) ingerlatseqatigiiffimmi aktiaateqaruni imaluunniit piginneqataassuteqaruni kiisalu piginnaatitaalluni ingerlatseqatigiiffiup siulersuisuini ilaasortanik toqqaasinnaanermut imaluunniit ingerlatseqatigiiffiup siulersuisuunik amerlanerussuteqartunik tunuartitsisinnaaguni imaluunniit tamatumani piginneqatigiiffik siulersuisoqanngippat, qullersaqanngippat,
- 3) aktiaateqaruni piginneqataalluniluunniit piginnaatitaallunilu ingerlatseqatigiiffimmut aalajangiisuusumik sunnuteqarluni ileqqoreqqusat isumaqatigiissutilluunniit tunngavigalugit kiisalu,
- 4) aktiaateqaruni piginneqataalluniluunniit aamma aktiaatilinnik piginneqataasunilluunniit allanik isumaqatigiissuteqarneq tunngavigalugu imaluunniit ingerlatseqatigiiffimmi taasisin-naatitaassutit amerlanerussuteqartut oqaasissaqarfigunigit, imaluunniit

5) ingerlatseqatigiiffimmi aktiaateqaruni piginneqataassuteqarluniluunniit tamatumunnga aalajangiisuusumik sunniuteqartumik.

*Imm. 3.* Suliffeqarfik, suliffeqarfimmut piginnittuusoq imm. 2-mi taaneqartunut atatillugu, ingerlatseqatigiiffiutigisamut attuumassuteqarpat.

*Imm. 4.* Taasisinnaatitaanerit naatsorsornerinut aamma pingaarnertut suliffeqarfimmut taassumalu suliffeqarfinni piginnittuusumi ingerlatseqatigiiffiutigisaanilu ilaasortanik ilaasortanngortitsinernut ilaasortaajunnaarsitsinernullu pisinnaatitaaffiit ilaatinneqarput.

*Imm. 5.* Suliffeqarfimmi ingerlatseqatigiiffiutigisumi taasisinnaatitaanerit naatsorsorneranni aktianut piginneqataassutinulluunniit attuumassuteqartut ingerlatseqatigiiffiutigisamut imaluunniit taassuma ingerlatseqatigiiffiutigisaanut taasisinnaatitaanerit naatsorsuutigineqartanngillat.

*Imm. 6.* »Namminersuinneq« nalunaarummi matumani paasineqassaaq, ingerlatseqatigiiffiutigisat suliffeqarfiup piginnittup ilitersuineranut pisinnaatitaaffiisa ataanniingitsut.

**§ 4.** »Ingerlatseqatigiiffissuit unammilleqatigiissut akornanni isumaqatigiissuteqarnerit« nalunaarummi matumani imatut paasineqassapput suliffeqarfiit marluk amerlanerusulluunniit akornanni isumaqatigiissuteqarneri il. il., allaganngorlugit isumaqatigiissuteqarnikkut imaluunniit suliffeqarfiit malittarisassaanni aalajangersakkat naapertorlugit ataatsimoorussamik siulersorneqarneq imaluunniit tassannga aalajangiisuusumik sunniuteqarfineqarneq, tunngavigineqarlutik,

1) suliffeqarfiit niuerfimmi peqataasut ataatsimoorussamik siulersorneqarnerat ataqatigiissaariffigissavaat,

2) suliffeqarfiit peqataasut ataatsimoorussamik siulersorneqarnernit aqunneqassapput, aamma

3) niuernerpalaartumik nalorninartoqarsinnaasut aningaasaqarnikkullu inernerit agguataarnerannut aaqqissuussisoqarsimassaaq.

**§ 5.** »Piginneqatigiilluni suliffeqarfiit« nalunaarummi matumani imatut paasineqassapput piginneqatigiilluni suliffeqarfimmi peqataasut tamarmik nammineq inuttut inatsisitigut akisussaassuseqartut (interessentskaber), piginneqatigiiffimmi peqataasut tamarmik nammineq inuttut inatsisitigut akisussaassuseqartut, kisianni peqataasut ilai ingerlatseqatigiiffiup pisussaaffiinut killilimmik akisussaassuseqarlutik (kommanditselskaber) imaluunniit suliffeqarfiit killilimmik akisussaassuseqartut, siunertaat tassaalluni, peqataasut ataatsimoorussamik soqutigisaat suliffeqarfimmit peqataanermikkut pisisartutut, pilersuisutut imaluunniit allatut periuseqartutut, aamma suliffeqarfiup iluanaarutai siuarsassallugit, nalinginnaasumik aningaasat aningaasaliissutaasut imminut akilersinnaassusiat ilanngunnagu, kaaviartitanit piginneqataassutaannut naleqqiullugu ilaasortani agguarneqarsinnaapput imaluunniit suliffeqarfimmi uninngasuutigineqarsinnaapput.

*Imm. 2.* »Suliffeqarfiup iluani isumaqatigiissutit« nalunaarummi matumani imatut paasineqassapput piginneqatigiilluni suliffeqarfiup taamatut taassumalu ilaasortaasa akornanni isumaqatigiissutit il. il. imaluunniit ilaasortat imminnut isumaqatigiissutaat il. il. soorlu ilaasortat akiliisussatut pisussaaqatigiinnerat, taasinerit aamma piginneqatigiiffimmut sinniisoqatigiinneq, aamma allanut malunnangitsumik ilaasortanut piginneqatigiiffimmullu taamaallaat.

*Imm. 3.* »Piginneqatigiilluni suliffiup ingerlanneqarnera naammaginartoq« nalunaarummi ma-tumani imatut paasineqassaaq suliffeqarfiup naammassisinnaassusianik nalinginnaasumik atuineq.

*Imm. 4.* »Atsiornikkut isumaqatigiissutikkut imaluunniit isumaqatigiissuteqarnikkut nukittussusiata atatinnera« nalunaarummi matumani paasineqassaaq ilaasortat pisisartutut pilersuisutulluunniit

soqutigisatik piffissami killilikkap iluani piginneqatigiiffik aqutigalugu isumagitissallugit pisussaapput. Piginneqatigiilluni suliffeqarfiit salliuniartuunngippata, piffissaq taanna sivisunerpaamik ukiunik marlunnik sivisussuseqassaaq. Piginneqatigiilluni suliffeqarfiit salliuniartutut inissisimappata, piffissaq taanna sivikinnerujussuussaaq.

§ 6. Nalunaarut ulloq 1. aprili 2016-imi atuutilerpoq.

*Namminersorlutik Oqartussat, ulloq 10. marts 2016*

Vittus Qujaukitsoq

/

Jørn Skov Nielsen